



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՇՈՒԿԱՅԻ ՎԵՐԱՀՍԿՈՂՈՒԹՅԱՆ ՏԵՍՉԱԿԱՆ ՄԱՐՄԻՆ**

Ո Ր Ո Շ ՈՒ Մ N_263
Տուգանք նշանակելու մասին

26.07.2023թ.

ք. Երևան

Քննելով տեսչական մարմնի կողմից 2023թ. հունիսի 23-ի N 443-Ա հրամանով

«ՎԱՐԴԱՆ ԲԱՂՄԱՆՅԱՆ ԱՐԱՄԻ» Ա/Ձ-ում /ՀՎՀՀ՝ 35152434/

Տնտեսվարող սուբյեկտի անվանումը

կատարված ստուգման նյութերը (ստուգման ակտ N 443-Ա կազմված 14.07.2023թ., խախտումների մասին 04.07.2023թ. արձանագրությունը և այլ նյութերը), որոնցով բացահայտվել է, որ Ա/Ձ-ն իրականացնում է ցածրավոլտ սարքավորումների և տեխնիկական միջոցների էլեկտրամագնիսական համատեղելիության ատրադրանքների ներմուծում և մանրամեծածախ վաճառք ք. Երևան, Արշակունյաց 17ա, 172 տաղավար հասցեում:

Ստուգումն իրականացվել է ՀՀ կառավարության 6 հունիսի 2019 թվականի N 730-Ն որոշմամբ հաստատված «Ցածրավոլտ սարքավորումների անվտանգության ստուգման վերաբերյալ» և «Տեխնիկական միջոցների էլեկտրամագնիսական համատեղելիության ստուգման վերաբերյալ» ստուգաթերթերի հիման վրա:

Ստուգման ընթացքում պարզվել է, որ 2022 թվականի ընթացքում ներմուծված ցածրավոլտ սարքավորումների և տեխնիկական միջոցների էլեկտրամագնիսական համատեղելիության ատրադրանքները ամբողջությամբ իրացվել են առանց համապատասխանության գնահատման փաստաթղթերի, որպեսզի զանցանքը նախատեսված է ՎԻՎ օրենսգրքի 188-րդ հոդվածի 2-ին մասով: Նշենք նաև, որ ստուգման պահին ապրանքային մնացորդ առկա չէր:

Փաստացի խախտվել է Մաքսային միության հանձնաժողովի 09.12.2011թ.-ի N879 որոշմամբ հաստատված «Տեխնիկական միջոցների էլեկտրամագնիսական համատեղելիության անվտանգության մասին» տեխնիկական կանոնակարգի 3-րդ հոդվածի 1-ին կետի և Մաքսային միության հանձնաժողովի 16.08.2011թ.-ի N768 որոշմամբ հաստատված «Ցածրավոլտ սարքավորումների անվտանգության մասին» տեխնիկական կանոնակարգի 3-րդ հոդվածի 1-ին կետի պահանջները:

Նշված իրավախախտման համար ըստ ՀՀ իրավաբանական անձանց պետական ռեգիստրի էլեկտրոնային քաղվածքի պատասխանատու է հանդիսանում «ՎԱՐԴԱՆ ԲԱՂՄԱՆՅԱՆ ԱՐԱՄԻ» Ա/Ձ-ի տնօրեն՝

Վարչան Արամի Բաղմանյանը
իրավախախտողի անունը, ազգանունը, պաշտոնը
ք. Երևան, Արտաշիսյան փ. 50/1 բն.6
ք. Երևան, Չեխովի փ. 24 շենք, բն. 31
մշտական բնակավայրը և հասցեն

Վարչական իրավախախտման վերաբերյալ արձանագրությունը կազմելիս վարչական պատասխանատվության ենթարկվող անձին բացատրվել է «Վարչական իրավախախտումների վերաբերյալ» ՀՀ օրենսգրքի 267-րդ հոդվածով նախատեսված նրա իրավունքներն ու պարտականությունները, որի համաձայն «վարչական պատասխանատվության ենթարկվող անձը իրավունք ունի ծանոթանալու գործի նյութերին, բացատրություններ տալու, միջնորդություններ հարուցելու, գործի քննության ընթացքում օգտվելու փաստաթանի իրավաբանական օգնությունից, ելույթ ունենալու մայրենի լեզվով և օգտվելու թարգմանչի ծառայություններից, եթե չի տիրապետում այն լեզվին, որով տարվում է վարույթը գանգատարկելու գործով որոշումը: Վարչական իրավախախտման վերաբերյալ գործը քննվում է վարչական պատասխանատվության ենթարկվող անձի ներկայությամբ:

Գործը կարող է այդ անձի բացակայությամբ քննվել միայն այն դեպքերում, երբ տվյալներ կան գործի քննության, տեղի և ժամանակի մասին նրան ժամանակին ծանուցելու վերաբերյալ և եթե նրանից միջնորդություն չի ստացվել գործի քննությունը հետաձգելու մասին:

Ղեկավարվելով սույն հոդվածով՝ վարչական պատասխանատվության ենթարկվող անձին բացատրվել է, որ գործը կարող է իր բացակայությամբ քննվել միայն գործի քննության տեղի և ժամանակի մասին նախապես ծանուցված լինելու դեպքում, եթե նրանից միջնորդություն չի ստացվել գործի քննությունը հետաձգելու մասին:

Վարչական պատասխանատվության ենթարկվող անձը պատշաճ ծանուցվել է ՀՀ շուկայի վերահսկողության տեսչական մարմնում 26.07.2023թ.-ին ժամը 11:00-ին կայանալիք վարչական գործի քննությանը, սակայն չի ներկայացել և ղեկավարվելով «Վարչական իրավախախտումների վերաբերյալ» ՀՀ օրենսգրքի վերնշված հոդվածով գործը քննվել է նրա բացակայությամբ:

Վարչական իրավախախտումների վերաբերյալ Հայաստանի Հանրապետության օրենսգրքի 32-րդ հոդվածին համապատասխան իրավախախտում կատարած անձի նկատմամբ վարչական տույժը որպես վարչական պատասխանատվության միջոց կիրառելիս հաշվի են առնվել կատարված իրավախախտման բնույթը, նրա անձը, մեղքի աստիճանը, գույքային դրությունը պատասխանատվությունը մեղմացնող և ծանրացնող հանգամանքները:

Ղեկավարվելով Վարչական իրավախախտումների վերաբերյալ Հայաստանի Հանրապետության օրենսգրքի 32-րդ հոդվածի 2-րդ մասով, 33-րդ հոդվածով, 34-րդ հոդվածով, 244.7 հոդվածով, 279-րդ հոդվածով, 281-րդ հոդվածով և 282-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Տվյալ իրավախախտման համար պատասխանատու Վարդան Արամի Բաղմանյանի նկատմամբ կիրառել Վարչական իրավախախտումների վերաբերյալ Հայաստանի Հանրապետության օրենսգրքի 188-րդ հոդվածի 2-ին մասով նախատեսված պատասխանատվության միջոցը, սահմանել տուգանք 120 000 / մեկ հարյուր քսան հազար/ ՀՀ դրամի չափով:

2. Տուգանքը պետք է վճարվի **Պետական բյուջե 900005024014 հ/հ:**

3. Տուգանք նշանակելու մասին որոշման հարկադիր կատարումը իրականացվում է «Վարչարարության հիմունքների և վարչական վարույթի մասին» ՀՀ օրենքի 5-րդ բաժնի դրույթներին համապատասխան:

4. Սույն որոշումը կարող է բողոքարկվել ուժի մեջ մտնելու օրվանից երկու ամսվա ընթացքում Վարչական դատարան:

ՏԵՍՉԱԿԱՆ ՄԱՐՄՆԻ ՂԵԿԱՎԱՐ՝



ԱՐՄԵՆ ԿՈՏՈՒՅԱՆ